

聞佛說須陀洹果不墮三惡道盡無量苦如
 五十由旬池水餘在者如一滴二滴則生貪
 心以其心不牢固本求作佛為衆生今為自
 身而欲取證是為欺佛亦負衆生是故名虛
 譬如人請客欲設飲食而竟不與是則是妄
 語負客菩薩亦如是初發心時作願我當作
 佛度一切衆生而貪須陀洹是則負一切衆
 生如貪須陀洹果乃至貪辟支佛道亦如是

大智度論卷第九十二 釋第八十二品之上 空二

恃音市着音修荆棘音上居力反礫音力縫音逢竹筍音下
 童音正涕音滴

大智度論卷第九十三 空三

龍樹菩薩造 姚秦三藏法師鳩摩羅什譯

釋淨佛國土品第八十二下

經復次須菩提菩薩色相受想行識相眼相
 耳鼻舌身意相色聲香味觸法相男相女相
 欲界相色界相無色界相善法相不善法相

朱善齋

有為法相無為法相是名菩薩鹿業菩薩摩
 訶薩皆遠離如是鹿業相自布施亦教他人
 布施須食與食須衣與衣乃至種種資生所
 須盡給與之亦教他人種種布施持是福德
 與一切衆生共之迴向淨佛國土故持戒忍
 辱精進禪定智慧亦如是是菩薩摩訶薩或
 以三千大千界土滿中珍寶施與三尊作是
 願言我以善根因緣故令我國土皆以七寶
 成復次須菩提菩薩摩訶薩以天妓樂樂佛
 及塔作是願言以是善根因緣令我國土中
 常聞天樂復次須菩提菩薩摩訶薩以三千
 大千國土滿中天香供養諸佛及佛塔作是
 言以是善根因緣令我國土中常有天香復
 次須菩提菩薩摩訶薩以百味食施佛及僧
 作是願言以是善根因緣故令我國土中衆
 生皆得百味食復次須菩提菩薩摩訶薩以
 天香細滑施佛及僧作是願言以是善根因
 緣故令我國土中一切衆生受天香細滑復

次須菩提菩薩摩訶薩以隨意五欲施佛及僧并一切衆生作是願言以是善根因緣故令我國土中弟子及一切衆生皆得隨意五欲是菩薩以隨意五欲共一切衆生迴向淨佛國土作是願言我得佛時是國土中如天五欲應心而至復次須菩提菩薩摩訶薩行

般若波羅蜜時作是願言我當自入初禪亦教一切衆生入初禪第二第三第四禪慈悲喜捨心乃至三十七助道法亦如是我得阿耨多羅三藐三菩提時令一切衆生不遠離四禪乃至不遠離三十七品助道法如是須菩提菩薩摩訶薩能淨佛國土是菩薩隨爾所時行菩薩道滿足是諸願是菩薩自成就一切善法亦成就一切衆生善法是菩薩受身端正所化衆生亦得端正所以者何福德因緣厚故須菩提菩薩摩訶薩應如是淨佛國土是國土中乃至無三惡道之名亦無邪見三毒二乘聲聞辟支佛之名耳不聞有無

空三

二

行

常苦空之聲亦無我所有乃至無諸結使煩惱之名亦無分別諸果之名風吹七寶之樹隨所應度而出音聲所謂空無相無作如諸法實相之音有佛無佛一切法一切法相空中無有相無相中則無作出如是法音若晝若夜若坐若卧若立若行常聞此法是菩薩得阿耨多羅三藐三菩提時十方國土中諸佛讚歎衆生聞是佛名必至阿耨多羅三藐三菩提是菩薩得阿耨多羅三藐三菩提時說法衆生聞者無有不信而生疑言是法是非法何以故諸法實相中皆是法無有非法諸有薄福之人於諸佛及弟子中不種善根不隨善知識沒在我見中乃至沒在一切種種見中墮在邊見若斷若常如是以邪見故非佛言佛言非佛非法言法言非法如是人破法故身壞命終墮惡道地獄中諸佛得阿耨多羅三藐三菩提時見此衆生往來五道令離邪聚立正定聚中更不墮惡

道如是須菩提菩薩摩訶薩淨佛國土中衆生無雜穢心若世間法若出世間法若有漏若無漏若有為若無為乃至是國土中衆生畢竟阿耨多羅三藐三菩提須菩提是為菩薩摩訶薩淨佛國土

論釋曰復有鹿業於諸法畢竟空中取相生

空三

三

朱

著心所謂取色相受想行識相眼相乃至意相色相乃至法相男相女相三界善不善有為無為相等問曰男女相可是虛妄不實餘色等善不善法若不取相云何能取色等成就善法答曰佛法中有二種空一者衆生空二者法空以衆生空破衆生相所謂男女等相以法空破色等法中虛妄相如破一切法空中說能觀色等善法如幻如化不取定實相得取心則捨戲論常無常等是不名為取相又色等及善法皆和合性空行故不生諸煩惱問曰一切有為法假名和合故不應取無為法是真實法所謂如法相實際何以不

取答曰以不取相是無為法無相名為無為法門若取相便是有為如是等一切虛誑取相不實遠離鹿身口意業菩薩欲行淨佛土遠離如是等鹿身口意業自行六波羅蜜亦教他人令行共清淨因緣故則佛土清淨上摠相說下別相說是菩薩滿三千大千世界七寶施佛及僧作是願我以是布施因緣令我國土皆七寶莊嚴問曰若滿三千大千世界珍寶從何處得又諸佛賢聖少欲知足誰受是者若凡人無取足何能受三千世界物答曰是菩薩是法性生身住具足神通波羅蜜中為供養十方佛故以如三千世界珍寶供養又此寶物神通力所作輕細無妨如第三禪遍淨天六十人坐一針頭而聽法不相妨礙何況大菩薩深入神通所作寶物或有菩薩變身如須彌山遍十方佛前以為燈炷供養於佛若佛塔廟而作願言令我國土常有光明不須日月燈燭或有菩薩兩諸華香

播蓋瓔珞以為供養復作是願令我國土衆生端正如華身相嚴淨無有醜陋如是等種種好色因緣復有菩薩以天妓樂娛樂於佛若佛塔廟是菩薩或時以神通力故作天妓樂或作天王轉輪聖王妓樂或作阿脩羅神龍王等天妓樂供養願我國中常聞好音問

空三

四

朱

曰諸佛賢聖是離欲人則不須音樂歌舞何以妓樂供養答曰諸佛雖於一切法中心無所著於世間法盡無所須諸佛憐愍衆生故出世應隨供養者令隨願得福故受如以華香供養亦非佛所須佛身常有妙香諸天所不及為利益衆生故受是菩薩欲淨佛土故求好音聲欲使國土中衆生聞好音聲其心柔軟心柔軟故易可受化是故以音聲因緣而供養佛或有菩薩滿三千大千世界香供養諸佛若塔根香莖香葉香末香若天香若變化香若菩薩果報生香作是願令我國土中常有好香無有作者或有菩薩以百味供

養諸佛及僧有人言能以百種羹供養是名百味有人言餅種數五百其味有百是名百味有人言百種藥草藥果作歡喜丸是名百味有人言飯食羹餅摠有百味有人言飲食種種備足故稱為百味人飲食故百味天食則百千種味菩薩福德生果報食及神通力

變化食則有無量味能轉人心令離欲清淨是四種食菩薩隨因緣供養佛及僧是故國土中自然有百味飲食或有菩薩以天塗香天竺國熱又以身臭故以香塗身供養諸佛及僧以此因緣故令我國土衆生受天香細滑問曰沙彌戒乃至受一日戒尚不以香塗

空三

五

身云何以香供養佛及僧答曰是菩薩以身所貴物隨所須時用以供養或以塗地塗壁及行坐處又以隨意五欲供養諸佛及僧及餘衆生是菩薩以好車馬妻妾妓樂播蓋金銀衣服珍寶出家人所不受則施諸衆生作願言令我國土衆生常得隨意五欲問曰此

五欲佛說如火如坑如瘡如獄如怨如賊能奪人善根菩薩何以願使眾生得五欲又佛說弟子應納衣乞食坐林樹下菩薩何以爲眾生求得五欲答曰天人中五欲是福德果報若今世若後世貧窮薄福者不能自活則行劫盜或爲物主所害或爲財殺他或被詰問妄言不作如是次第作十不善皆由貧窮故作若人五欲具足則所欲隨意則不行十不善菩薩國土眾生豐樂自恣無所乏少則無衆惡但有愛慢等輒結使若聞佛所說或聞弟子所說以心柔輒故聞法易可得道雖著心多利根故聞無常苦空等即便得道譬如垢膩之衣則以灰泥淹之經宿以水洗之一時都去菩薩不欲令眾生著故以五欲施但欲令一時捨故與之如汝先說佛教弟子納衣乞食宿罪因緣生在惡世染著心多若得好衣美食著心則深又爲求好衣食故妨廢行道是菩薩淨佛國土眾生無量福德成

就五欲一等故不復貴著亦不更求故無所妨又復若行者離五欲修苦行則增長瞋恚又復憶念五欲則生煩惱爾時則無所向是故佛言捨苦樂用智慧處中道是故淨佛國土五欲施無妨問曰若爾者毗尼中何以一比丘言我知佛法義受五欲不妨道是比丘應呵乃至三不止擯出答曰佛法有二種小乘大乘小乘中薄福之人三毒偏多如婆蹉經中佛說我白衣弟子非一非二乃至出五百人受赤梅檀塗身及受好香華妻子共卧使令奴婢而斷三結得須陀洹盡三世苦薄三毒得斯陀含是阿黎咤比丘聞是事即言

空三

六

朱

雖受五欲而不妨道不知是事佛爲誰說佛爲白衣故說此比丘持著出家法中說是須陀洹斯陀含等不作是言我盡形壽不犯欲以有餘三毒故時時忘道而發淫心出家人於僧中口自誓言我盡形壽不犯淫欲佛言若出家人犯欲則棄是比丘自誓而犯是一

罪知佛所制而故違犯是二罪是比丘見白衣得道故而以自身同彼是故墮罪淨佛國土有二種衆生若出家若在家者雖受五欲無罪亦無所妨如兜率陀諸天及鬱單曰人雖受五欲不起重罪出家衆生隨佛所不聽在家受五欲亦無過咎小乘法中爲阿梨咤比丘說薄福重罪之人心多悔故淨佛國土者世世習行六波羅蜜三解脫門雖得五欲亦不染著如經中說所謂菩薩摩訶薩行般若波羅蜜作是念我當自入初禪亦當教化衆生入初禪四禪四無量心乃至三十七品亦如是是菩薩作是願我作佛時盡行四禪乃至三十七品如是福德故衆生雖受五欲不能爲妨是菩薩作無量阿僧祇願隨爾所時行道盡具足是願是菩薩一切善法皆成就及所成就衆生一切善法成就故得身端正見者無厭亦成就衆生令得端正須菩提菩薩應如是淨佛國土復次淨佛土者

空三

七

乃至無三惡之名何況有三惡道問曰諸佛以大慈悲心爲苦惱衆生故出世若無三惡道何所憐愍答曰佛出爲度衆生故而三惡道衆生不可度但可令種善根而已是故佛名天人師若無天人但有三惡道可應有難應作是問問曰佛憐愍衆生淨佛國土中何以無三惡道衆生答曰憐愍一切衆生平等無異此中說清淨業因緣是國土中無三惡道又佛非但一國土乃有十方恒河沙國土佛有清淨國土有雜國土雜國土中則具有五道淨佛國土或有人天別異或無有人天別異如過去天王佛國土中唯佛世尊以爲法王是故名爲天王佛復有國土無三毒邪見問曰諸佛但爲除衆生煩惱故出世邪見三毒即是煩惱若無煩惱出何所爲答曰有人言是中福德因緣故邪見三毒不發故言無復次有人言是中諸菩薩皆得無生法忍常修六波羅蜜等諸功德常遊十方度脫

衆生於諸佛所修習諸佛三昧勝教化無數
聲聞辟支佛亦勝教化阿鞞跋致菩薩成就
衆生菩薩淨佛土菩薩爲近佛道故利益轉
大是國土無二乘之名者問曰餘佛有三乘
教化豈獨劣耶答曰佛出五濁惡世於一道
分爲三乘問曰若爾阿彌陀佛阿閼佛等不
於五濁世生何以復有三乘答曰諸佛初發
心時見諸佛以三乘度衆生自發願言我亦
當以三乘度衆生亦無無常苦空無我之名
者以衆生深著常樂等顛倒故爲說無常苦
法是中無常樂等倒故不須無常苦若無病
則不須藥亦無我所有乃至無諸煩惱結使
亦如是無二乘故亦無須陀洹等諸果但一
向著諸法實相先得無生法忍者得諸三昧
陀羅尼門轉復增益諸地等功德風吹七寶
之樹隨所應度而出聲者是菩薩欲使衆生
易聞法故七寶之樹出法音聲寶樹遍滿國
土故衆生生便聞法餘心不生但生法心問

空三

八

朱

曰諸佛有無量不可思議神通力何以不變
化作無量說法度衆生何須樹木音聲答曰
衆生甚多若佛處處現身衆生不信謂爲幻
化心不敬重有衆生從人聞法心不開悟若
從畜生聞法則便信受如本生經說菩薩受
畜生身爲人說法人以希有故無不信受又
謂畜生心直不誑故有人謂畜生是有情之
物皆有欺誑以樹木無心而有音聲則皆信
受所謂空無相無作有佛無佛一切法常空
空故無相無相故無作無起如是等法晝夜
常出餘國土以神通力口力種種變化此中
常自然音聲淨佛國土佛常爲諸佛所讚大
作功德故能得如是淨國若聞淨國佛名則
畢定作佛問曰餘佛種種勤苦說法衆生尚
不得道何以但聞佛名便得道答曰餘處佛
種種說法衆生或得善根終不空說若聞是
佛名畢至阿鞞跋致不言今得問曰一切佛
若人好心聞名皆當至佛如法華經中說福

德若大若小皆當作佛何以獨說淨國佛答
曰人聞餘佛名字謂受生與人無異但有一
切智得道為異心不敬重故雖種善根亦不
能深是中是法性身佛身無量無邊光明說
法音聲遍滿十方國土國中衆生皆是近佛
道者無量阿僧祇由旬衆中說法勝無量億

空三

九

義

阿僧祇日月光明常從身出佛令衆生見則
得見若不聽則不見是佛一一毛孔邊常出
無量無邊阿僧祇佛一一諸佛等無異於化
佛邊展轉復出隨應度衆生見佛優劣根本
真佛無有分別大小之異如是等若見若聞
名若聞如是功德深信敬重故所種善根云
何不畢定作佛復次是佛說法時無有疑者
乃至無一人言是法為非佛口所說悉皆是
法問曰人從釋迦文尼佛聞法生疑者多答
曰佛此中自說因緣有人薄福不種善根不
得善知識故生疑著我見邊見邪見等諸煩
惱覆故非佛言是佛言非佛不深種善

根不順善師三毒邪見一時發起無所依隨
任意自恣若見邪見順其意故言是一切智
見諸佛說畢竟空不順其意便言非佛非法
言法法言非法如是人於諸佛所多生疑多
生疑故心悔是淨佛國中無如是罪人故不
生疑佛言如是罪人破諸法實相故死墮地
獄惡道中諸菩薩得阿耨多羅三藐三菩提
見諸罪人往來生死中以佛神通力拔出衆
生令住正定聚中不墮三惡趣是名淨佛土
是佛土中無如是諸過無不具足於世間出
世間有漏無漏有為無為等中無有障礙所
謂國土七寶衆生身端正相好莊嚴無量光
明常聞法音常不遠離六波羅蜜乃至十八
不共法是中衆生皆畢定至阿耨多羅三藐
三菩提問曰上聞佛名畢定至佛此於諸法
無障礙必得作佛有何差別答曰此中衆生
常見佛常聞法深種善根多集佛法故疾得
作佛聞名者雖俱畢定而小不如如是等名

為淨佛國土相如十地中莊嚴菩提樹說

大智度論釋必定品第八十三

經須菩提白佛言世尊是菩薩摩訶薩為必定為必定佛告須菩提菩薩摩訶薩必定非不必定世尊何處必定為聲聞道中為辟支佛道中為佛道中佛言菩薩摩訶薩非聲

空三

十

朱義

聞辟支佛道中必定是佛道中必定須菩提白佛言世尊為初發意菩薩必定耶為最後身菩薩必定耶佛言初發意菩薩亦必定阿鞞跋致菩薩亦必定後身菩薩亦必定世尊必定菩薩墮惡道中生不不也須菩提於汝意云何若八人若須陀洹斯陀含阿那含阿

羅漢辟支佛生惡道中不不也世尊如是須菩提菩薩摩訶薩從初發意已來布施持戒忍辱精進行禪定修智慧斷一切不善業若墮惡道若生長壽夭若不得修善法處若生邊國若生惡邪見家無作見家中無佛名無法名無僧名無有是處須菩提初發意菩

薩於阿耨多羅三藐三菩提以深心行十不善道無有是處世尊若菩薩摩訶薩有如是善根功德成就如佛自說本生受不善果報是時善根為何所在佛告須菩提菩薩摩訶薩為利益衆生故隨而受身以是身利益衆生須菩提菩薩摩訶薩作畜生時有大方便

力若怨賊欲來殺害以無上忍辱無上慈悲心捨身不惱怨賊汝諸聲聞辟支佛無有是力以是故須菩提當知菩薩摩訶薩欲具足大慈悲心為憐愍利益衆生故受畜生身須菩提白佛言世尊菩薩摩訶薩任何等善根中受如是諸身佛告須菩提菩薩摩訶薩從

空三

十

朱

初發意乃至道場於其中間無有善根不具足者具足已當得阿耨多羅三藐三菩提以是故菩薩摩訶薩從初發意應當學具足一切善根學善根已當得一切種智當斷一切煩惱習須菩提白佛言世尊云何菩薩摩訶薩成就如是白淨無漏法而生惡道畜生中

佛告須菩提於汝意云何佛成就白淨法無漏法不須菩提言佛一切白淨無漏法成就須菩提若佛自化作畜生身作佛事度眾生實是畜生不須菩提言不也佛言菩薩摩訶薩亦如是成就白淨無漏法為度眾生故受畜生身用是身教化眾生佛告須菩提如何羅漢作變化身能使眾生歡喜不須菩提言能佛言如是如是須菩提菩薩摩訶薩用是白淨無漏法隨應度眾生而受身以是身利益眾生亦不受苦痛須菩提於汝意云何幻師幻作種種形若象馬牛羊男女等以示眾人須菩提是象馬牛羊男女等有實不須菩提言不實也世尊佛言如是須菩提菩薩摩訶薩白淨無漏法成就現作種種身以示眾生故以是身饒益一切亦不受眾苦須菩提白佛言世尊菩薩摩訶薩大方便力得聖無漏智慧而隨所應度眾生身而作種種形以度眾生

論問曰上阿鞞跋致品中說如是相是阿鞞跋致如是相非阿鞞跋致阿鞞跋致即是必定須菩提今何以更問答曰是般若波羅蜜有種種門有種種道阿鞞跋致是一門中說今問必定更問異門復次佛心中一切眾生一切法皆必定人以智不及故名為不必定

佛智雖無量阿僧祇劫積大功德必退作小乘者亦知微細蠅蟲雖未有善心過爾所劫發心後當作佛定知一切法皆如是從是因得是果是故名佛一切法中無礙以必定知故復次須菩提聞法華經中說於佛所作少功德乃至戲笑一稱南無佛漸漸必當作佛

空三

土

義

又聞阿鞞跋致品中有退不退又復聞聲聞人皆當作佛若爾者不應有退如法華經中說必定餘經說有退不退是故今問為必定為不必定如是等種種因緣故問定不定佛答菩薩是必定須菩提心以入涅槃為必定是故問為何道中必定佛答不必定二乘

但於大乘中必定求佛道者有上中下是故問爲初發意爲阿鞞跋致爲最後身必定須菩提意謂爲阿鞞跋致已上必定安立佛道中故佛答三種菩薩皆必定必定者必當作佛問曰如上品中說佛以佛眼見十方菩薩求佛如恒河沙得阿鞞跋致者若一若二今何以言三種菩薩盡皆必定答曰我先已說般若甚深有無量門有說諸菩薩退而不必定有處說菩薩必定不退如阿鞞跋致品中須菩提問佛菩薩退者於何處退爲從色爲從受想行識乃至十八不共法畢竟空故諸法皆不退此中佛何以更說不退問曰是二義何者是實答曰二事皆實佛口所說無不實者如佛或說諸法空無所有或說布施持戒等是有爲初發心者說諸法有爲久學人著善法者說諸法空無所有懈怠於阿耨多羅三藐三菩提不牢固者如是人應從聲聞道得度而不求聲聞久於生死中受苦是故

空三

十三

朱

說發心如恒河沙得阿鞞跋致者若一若二衆生聞是已能堪受衆苦者必定阿耨多羅三藐三菩提若不能者取聲聞辟支佛道有人堪住得佛而大悲心薄自愛身重此人聞佛難得多有退者作是念我或以不能得佛不如早取涅槃何用世世受勤苦爲爲是人故說一切菩薩乃至初發心皆必定如法華經中說問曰若菩薩皆定佛何以故種種訶二乘不聽菩薩取二乘證答曰求佛道者應遍知法性是人畏老病死故於法性少分取證便自止息捨佛道不度衆生諸佛菩薩之所呵責汝欲捨去會不得離得阿羅漢證時不求諸菩薩深三昧又不廣化衆生是則迂迴於佛道誓留問曰阿羅漢先世因緣所受身必應當滅住在何處而具足佛道答曰得阿羅漢時三界諸漏因緣盡更不復生三界有淨佛土出於三界乃無煩惱之名於是國土佛所聞法華經具足佛道如法華經說

有阿羅漢若不聞法華經自謂得滅度我於餘國爲說是事汝皆當作佛問曰若阿羅漢往淨佛國土受法性身如是應疾得作佛何以言迂迴暫留答曰是人著小乘因緣捨衆生捨佛道又復虛言得道以是因緣故雖不受生死苦惱於菩薩根鈍不能疾成佛道不

如直往菩薩復次佛法於五不可思議中最第一今言漏盡阿羅漢還作佛唯佛能知論議者正可論其事不能測知是故不應戲論若求得佛時乃能了知餘人可信而未可知必定菩薩墮三惡道中不者須菩提聞佛說無量本生因緣或象鹿龜鶴孔雀鸚鵡等受種種苦是故問佛世尊若菩薩受如是等畜生身云何言一切菩薩必定必定者即是阿鞞跋致阿鞞跋致者不墮三惡趣佛反問答於汝意云何八人等聖人爲墮三惡道不須菩提思惟是諸聖人入聖道故無墮三惡道因緣思惟已答言不也佛言菩薩亦如是墮

空三

十四

朱

三惡道因緣盡故云何墮三惡道墮三惡道因緣者所謂諸不善法是菩薩從初發心已來修習布施持戒等諸善法斷諸殺生等十不善道若是人墮三惡道無有是處何以故滅諸惡法增益善法故不善道有上中下上者墮地獄中者墮畜生下者墮餓鬼是菩薩

三種已盡深心悲念衆生是故不墮問曰若爾者三惡道可不於中生是菩薩福德多何以不於長壽天中生答曰是菩薩憐愍衆生行六波羅蜜雖能入禪波羅蜜和合慈悲行不著禪味命欲終盡念欲界法故退禪道以彼中無苦惱深著禪味難可得度故不生長壽天以邊國遮礙不得修善法故不生所以者何是菩薩拔出恪法根本恪法因緣故生邊國不知法處復次是菩薩常好中道捨離二邊故不生邊國邊國無三寶之名不識七衆但貴今世現事不貴福德道法故名邊地不但生邊國故名爲邊地若識三寶知罪福

相續因緣解諸法實相是人雖生閻浮提外不名爲邊何況生閻浮提中是菩薩常樂爲他說法亦深愛善法故得隨意善衆生共生所謂爲中國又於中國不生邪見家何以故是菩薩世世常自行正見亦教他正見讚正見法歡喜讚歎行正見者是故不生惡邪見

空三

五

末

家問曰是菩薩大福德智慧力應生邊地邪見家而教化之何以畏而不生答曰菩薩有二種一者成就大力菩薩二者屬因緣新發心菩薩大菩薩爲衆生隨所應度受身不避邊地邪見新發意菩薩若生是處旣不能度人又自敗壞是故不生譬如真金在泥終不敗壞銅鐵則壞邪見者所謂無作見雖六十二種皆是邪見無作最重所以者何無作言不應作功德求涅槃若言天作若言世界始來雖是邪見而不遮作福德以無作大惡故不生又初發心菩薩染惡心行十不善道無有是處何以故是菩薩一心迴向貴重阿耨

多羅三藐三菩提不貴世間法是人未離欲因緣故雖起諸煩惱終不染心作惡雖加杖楚終不奪命不取他財令其失命是菩薩斷一切不善法修集一切善法故不生八難處常得八好處須菩提問若菩薩有如是善根成就云何本生因緣作鹿馬等佛答菩薩實有福德善根成就爲利衆生故受畜生形亦無畜生罪此中佛自說因緣所謂菩薩在畜生中慈愍怨賊阿羅漢辟支佛所無有羅漢辟支佛怨賊來害雖不加報不能愛念供養供給如菩薩本身作六牙白象獵師以毒箭射曾爾時菩薩象以鼻擁抱獵者不令餘象得害語雌象言汝爲菩薩婦何緣生惡心獵師是煩惱罪非人過也我得阿耨多羅三藐三菩提當滅除其煩惱罪譬如鬼著人祝師來但治鬼而不瞋人是故莫求其罪徐問獵者汝何以射我答言我須汝牙象即就石罅拔牙與之血肉俱出不以爲痛供給糧食示

語道徑如是等慈悲阿羅漢辟支佛所無有
如是好心云何受畜生身當知是變化度於
衆生問曰何以不作人身而爲說法而作此
獸身答曰有時衆生見人身則不信受見畜
生身說法則生信樂受其教化又菩薩欲具
足大慈悲心欲行其實事衆生見之驚喜皆
得入道

十六末

大智度論卷第九十三

空三

樂樂上音岳炷注音竺詰起一淹反一浣伴胡
反擯必刃咤竹家反又鞞下上反關昌
反昆音迂反字俱誓留上音鈍徒困恪反良刃獵
良輒擁抱上紆勇反雌七斯祝之右反罽呼
反徑古定下蒲保

大智度論卷第九十四

空四

龍樹菩薩造

姚秦三藏法師鳩摩羅什譯

釋必定品第八十三下

經世尊菩薩摩訶薩任何等白淨法能作如
是方便而不受染汗佛言菩薩用般若波羅
蜜作如是方便力於十方如恒河沙等國土

中饒益衆生亦不貪著是身何以故著者著
法著處是三法皆不可得自性空故空不著
空空無著者亦無著處何以故空中空相
不可得須菩提是名不可得空菩薩住是中
能得阿耨多羅三藐三菩提世尊菩薩但在
般若波羅蜜中得阿耨多羅三藐三菩提不
任餘法中耶須菩提頗有法不入般若波羅
蜜者不世尊若般若波羅蜜自性空云何一
切法皆入般若波羅蜜中世尊空中無有法
若入若不入須菩提一切法一切法相空不
世尊空須菩提若一切法一切法相空云何
言一切法不入空中須菩提白佛言世尊云